

AGENCIJA ZA OSIGURANJE
U BOSNI I HERCEGOVINI



АГЕНЦИЈА ЗА ОСИГУРАЊЕ
У БОСНИ И ХЕРЦЕГОВИНИ

INSURANCE AGENCY OF
BOSNIA AND HERZEGOVINA

Broj: 031-02-634-3/16

Sarajevo, 22.02.2017. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Agencija za osiguranje u Bosni i Hercegovini,
donosi

IZVJEŠTAJ O RADU AGENCIJE ZA OSIGURANJE U BOSNI I HERCEGOVINI ZA 2016. GODINU

I – UVOD

Agencija za osiguranje u Bosni i Hercegovini (u daljem tekstu: Agencija) je samostalna upravna organizacija osnovana Zakonom o Agenciji za osiguranje u Bosni i Hercegovini (“Službeni glasnik BiH”, br. 12/04).

Agencija je nadležna za jedinstvenu primjenu Zakona o osiguranju između entiteta, postojanje nesmetane i djelotvorne saradnje između agencija za nadzor osiguranja u Federaciji Bosne i Hercegovine i Republici Srpskoj, usaglašenost zakona iz oblasti osiguranja u Bosni i Hercegovini i usaglašenost istih sa zakonodavstvom Evropske unije, koordinirano predstavljanje i zastupanje Bosne i Hercegovine u organizacijama koje se bave osiguranjem na međunarodnom nivou, rješavanje sporova između agencija za nadzor osiguranja u pogledu jedinstvenog tumačenja i primjene zakonodavstva o osiguranju na nivou entiteta i Brčko Distrikta i statistiku o cjelokupnom tržištu osiguranja u Bosni i Hercegovini.

Agencija ima regulatorna ovlaštenja u oblasti osiguranja u Bosni i Hercegovini. Nadzorna ovlaštenja u oblasti osiguranja imaju entitetske agencije za nadzor osiguranja.

Agencija je svoje aktivnosti u 2016. godini bazirala na Programu rada Agencije za 2016. godinu. Planirani godišnji rezultati Agencije proizilaze iz Srednjoročnog plana rada Agencije za period 2016.-2018., koji je bio osnova za izradu godišnjeg programa rada Agencije.

Srednjoročni cilj Agencije definisan u okviru Srednjoročnog programa rada Vijeća ministara BiH za period 2016.-2018.: „Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije“ implementiran je putem provođenja dva specifična cilja:

- 1. Povećan stepen harmonizacije propisa u sektoru osiguranja i razvijanje postupka za rješavanje sporova između entitetskih agencija za nadzor osiguranja i**
- 2. Unaprijeđenje međunarodne saradnje i statističkog servisa.**

Implementacija specifičnih ciljeva realizovana je u okviru četiri programa i to:

- 1. Implementacija i unaprijeđenje zakonodavne uloge Agencije u procesu donošenja zakona u oblasti osiguranja u Bosni i Hercegovini uz proces koordinacije razvoja entitetskog zakonodavstva u cilju integracije tržišta osiguranja u jedinstveni ekonomski prostor*
- 2. Kreiranje propisa za provođenje postupka rješavanja sporova*
- 3. Saradnja sa regulatornim organima zemalja regiona i zemalja članica EU, međunarodnim tijelima, asocijacijama i udruženjima uz zaključivanje Ugovora o saradnji za razmjenu podataka sa nadležnim organima drugih zemalja*
- 4. Unaprijeđenje prikupljanja, evidentiranja i prikazivanja satističkih podataka*

U izvještajnom periodu, Agencija je, u okviru četiri utvrđena programa, realizovala slijedeće aktivnosti planirane Programom rada za 2016. godini, i to:

Usklađivanje zakonodavstva

U okviru aktivnosti na usklađivanju zakonodavstva iz oblasti osiguranja u Bosni i Hercegovini, Agencija je sačinila uporedni prikaz sa analizom Zakona o obaveznim osiguranjima u saobraćaju Republike Srpske ("Službeni glasnik Republike Srpske", broj: 82/15), Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti za motorna vozila ("Službene novine Federacije BiH", broj: 24/05) i Direktive 2009/103/EC.

Agencija je sačinila Prijedlog Smjernica za usaglašavanje zakona o obaveznim osiguranjima u saobraćaju i iste dostavila Upravnom odboru Agencije.

Na 16. sjednici održanoj 04.10.2016.godine Upravni odbor Agencije usvojio je Smjernicu za ocjenu usaglašenosti zakona o obaveznim osiguranjima u saobraćaju FBiH/RS koja utvrđuje kriterijume kojih će se pridržavati Upravni odbor Agencije u postupku ocjene usaglašenosti zakona o obaveznim osiguranjima u saobraćaju Federacije Bosne i Hercegovine i Republike Srpske, a koji će ujedno usmjeravati obrađivače zakona u postupku izrade propisa i Analizu usaglašenosti zakona o obaveznim osiguranjima u saobraćaju Federacije Bosne i Hercegovine i Republike Srpske, sa preporukama za dalja usaglašavanja

Agencija je u skladu sa zahtjevom Federalnog ministarstva finansija za davanje saglasnosti na Nacrt Zakona o osiguranju FBiH pripremila uporedni prikaz Nacrta zakona o osiguranju FBiH i Zakona o društvima za osiguranje ("Službeni glasnik Republike Srpske", broj: 17/05, 01/06, 64/06 i 74/10) sa analizom i ocjenom usaglašenosti istih. Uporedni prikaz je razmatran na 16. sjednici Upravnog odbora Agencije održanoj 04.10.2016.godine, ali Upravni odbor Agencije nije donio nikakav Zaključak.

U okviru realizacije planiranih aktivnosti iz Akcionog plana za realizaciju prioriteta koje je dala Evropska Komisija iz Izvještaja za Bosnu i Hercegovinu za 2015. godinu, a koji je usvojilo Vijeće ministara BiH, Agencija je pripremila informacije za Vijeće ministara BiH o potrebama da bi se preporuka koja se odnosi na Agenciju mogla realizovati. Obzirom na potrebu pribavljanja mišljenja

relevantnih institucija za informacije koje se dostavljaju Vijeću ministara BiH, aktivnosti na pribavljanju mišljenja nisu završene u izvještajnom periodu.

Prijedlog Pravilnika o unutrašnjoj organizaciji Agencije sačinjen je i upućen u propisanu proceduru. Pribavljeno je mišljenje Komisije za radna mjesta Ministarstva pravde BiH, Ureda za zakonodavstvo i Ministarstva pravde BiH. Nakon dostavljanja Mišljenja Ministarstva finansija i trezora BiH, Pravilnik će se dostaviti Vijeću ministara BiH na saglasnost.

Prednacrt Pravilnika o postupcima za rješavanje sporova u oblasti osiguranja sačinjen je i dostavljen na konsultacije entitetskim agencijama za nadzor osiguranja. Dostavljeni su komentari Agencije za nadzor osiguranja Federacije BiH. Agencija je provela postupak javnih konsultacija na izradu Prednacrt Pravilnika. U toku su aktivnosti na izradi Nacrta ovog Pravilnika.

U toku 2016. godine održani su radno konsultativni sastanci sa predstavnicima entitetskih agencija za nadzor osiguranja i Biroom zelene karte u Bosni i Hercegovini.

U cilju uspostavljanja sistema finansijskog upravljanja i kontrole u Agenciji popisani su i opisani poslovni procesi u Agenciji i utvrđene su aktivnosti u njima, sačinjene su mape poslovnih procesa, utvrđeni su rizici i odgovori na rizike, sačinjen je registar rizika na nivou Agencije i definisani su interni akti koji se trebaju donijeti, donesen je Pravilnik o provođenju finansijskog upravljanja i kontrola u Agenciji, imenovano je lice zaduženo za finansijsko upravljanje i kontrolu u Agenciji i koordinator za rizike, te je donesen Akcioni plan za uspostavu i razvoj sistema finansijskog upravljanja i kontrole. U toku su aktivnosti na izradi internih akata Agencije koji predstavljaju odgovor na rezidualni rizik, a kojima će se postojeći rizici smanjiti, prenijeti ili izbjeći.

U skladu sa planiranim aktivnostima informisanja javnosti o ulozi i značaju Agencije, redovno se putem web stranice Agencije javnost informiše o radu i aktivnostima AZO BiH, gdje se objavljuju dokumenti značajni za funkcionisanje i rad Agencije. U toku 2016. godine objavljeni su dokumenti u skladu sa Odlukom o postupku srednjoročnog planiranja, Odlukom o godišnjem planiranju, praćenju i izvještavanju, kao i Plan i realizacija nabavki za 2016. godinu.

U stručnom časopisu X-PRIMM objavljeni su članci sa analizom tržišta osiguranja Bosne i Hercegovine, na susretu osiguravača i reosiguravača-SORS prezentirano je tržište osiguranja Bosne i Hercegovine.

U skladu sa izradom Komunikacijske strategije za 2017. godinu, Direkciji za evropske integracije dostavljeni su elementi Agencije za izradu komunikacijske strategije za 2017. godinu.

Međunarodna saradnja

U okviru unaprijeđenja međunarodne saradnje Agencija je provodila sljedeće najznačajnije aktivnosti:

U okviru učešća na međunarodnim i regionalnim forumima, forumima Evropske unije u vezi sa nadzorom, pravom i praksom osiguranja, predstavnici Agencije učestvovali su na radionici EIOPA "Risk-based Supervision" organizovanoj u saradnji Agencije za superviziju osiguranja Makedonije, EIOPA-e i Svjetske banke kao i edukaciji Hrvatskog ureda za osiguranje na temu „Aktuaristika za neaktuare“.

Realizirano je učešće na Međunarodnom forumu osiguranja u organizaciji X-Primm-a „Motor Insurance road toward profitability“, godišnjoj Konferenciji EIOP-e, Konferenciji „Izazovi i praksa nadzora osiguranja“ u organizaciji Instituta za osiguranje iz Zagreba, IIF međunarodnom forumu osiguranja, konferenciji Solvency II-lessons learned u organizaciji Agencije za zavarovalni nadzor Slovenije i Konferenciji Regulatory risk uncertain times.

Predstavници Agencije učestvovali su na sastancima CESEE-a zemalja centralne, istočne i jugoistočne Evrope koji se održavaju dva puta godišnje u cilju razmjene praksi i iskustava u sektoru osiguranja.

U okviru EFSE DF-Feasibility study agri insurance –initial desk research findings for Bosnia and Herzegovina održan je sastanak sa predstavnicima EFSE-a u prostorijama Agencije. Dostavljene su informacije o osiguranju Agenciji za lijekove i medicinska sredstva, JP Elektroprivredi BiH, dostavljeni su podaci na nivou Bosne i Hercegovine za 2015. godinu Agenciji za osiguranje Albanije i Agenciji za superviziju Makedonije.

Održan je sastanak sa predstavnicima Međunarodnog monetarnog fonda, entitetskih agencija za nadzor osiguranja u Banja Luci, a tema sastanka je bila saradnja u finansijskom sektoru između nadležnih institucija.

U toku 2016. godine održani su sastanci sa regulatornim organima Slovenije, Crne Gore i Hrvatskog ureda za osiguranje, sastanak u Vladi Federacije BiH sa predstavnicima Sarajevske berze i Agencije za nadzor osiguranja FBiH.

U izvještajnom periodu dostavljene su informacije stručnom časopisa X-Primm o tržištu obaveznog osiguranja u Bosni i Hercegovini i stanju i perspektivama bosanskohercegovačkog tržišta.

U skladu sa zahtjevom za dostavu podataka u cilju održavanja okrulog stola od strane Italian Banking, Insurance and Finance Federation (FeBAF), u saradnji sa entitetskim agencijama za nadzor osiguranja dostavljeni su statistički podaci za sektor osiguranja u Bosni i Hercegovini.

Agencija je u periodu od 30.05.-02.06.2016. godine organizirala TAIEX radionicu za predstavnike sve tri agencije u cilju dobivanja stručnog mišljenja oko prevladavanja razlika koje postoje zbog neusklađenosti sadržaja i strukture finansijskih izvještaja društava za osiguranje u Federaciji BiH i Republici Srpskoj.

TAIEX radionica je odobrena posredstvom Direkcije za evropske integracije Bosne i Hercegovine a istu je financirala Evropska komisija. Stručna pomoć realizovana je uz pomoć finansijskih stručnjaka Agencije za zavarovalni nadzor Slovenije. Stručnjaci iz Slovenije dali su prijedlog za potrebu usklađivanja finansijskih izvještaja društava za osiguranje u Federaciji BiH i Republici Srpskoj sa oblikom i sadržajem finansijskih izvještaja propisanih direktivama EU. Ovom prilikom je posvećena velika pažnja na primjenu MRS-u finansijskim izvještajima društava za osiguranje u Federaciji BiH i Republici Srpskoj.

U skladu sa preliminarnim Planom aktivnosti Podgrupe za procjenu ranjivosti osiguravajućih društava od pranja novca utvrđenim na radionici „Nacionalna procjena rizika od pranja novca“, održanoj od 11. do 13. 10. 2016. godine u Sarajevu, u organizaciji Svjetske banke u saradnji sa Ambasdom Velike Britanije u Sarajevu, OSCE-om, UNODC-em i Ministarstvom sigurnosti BiH, Podgrupa za sektor osiguranja u kojoj učestvuje i predstavnik Agencije je do kraja 2016. godine održavala svakodnevnu komunikaciju između svih članova vezano za pripremu Upitnika i statističkih podataka za sektor osiguranja. Upitnik i potrebni statistički podaci dostavljen je obveznicima-društvima za osiguranje i posrednicima u osiguranju, na bazi kojih će Podgrupa za sektor osiguranja pripremiti potrebne podatke za procjenu rizika od pranja novca.

Statistički servis

U okviru aktivnosti koje su se provodile u dijelu statističkog servisa Upravnom odboru Agencije dostavljena je Informacija o načinu standardiziranja statističkih izvještaja koje prikuplja i objavljuje Agencija.

U skladu sa Zaključkom Upravnog odbora Agencije i potrebe za definisanjem sadržaja statističkih izvještaja i pokazatelja relevantnih za sektor osiguranja, Agencija je organizovala zajednički sastanak sa predstavnicima entitetskih agencija za nadzor osiguranje i dogovoreni su dalji koraci po ovoj aktivnosti.

Agencija je u toku 2016. godine u saradnji sa entitetskim agencijama za nadzor osiguranja prikupila i obradila statističke podatke kao i u proteklom periodu za sektor osiguranja u Bosni i Hercegovini.

Podaci su objavljeni na mjesečnom, kvartalnom i godišnjem nivou na web stranici Agencije www.azobih.gov.ba.

Odštampan je godišnji izvještaj-Statistika tržišta osiguranja za 2015. godinu na bosanskom, hrvatskom, srpskom i engleskom jeziku.

Primjerci ovih izvještaja dostavljeni su korisnicima u Bosni i Hercegovini i inostranstvu.

U skladu sa potrebom elektronske obrade statističkih podataka o tržištu osiguranja Bosne i Hercegovine, Agencija je u zahtjevu za budžetskim sredstvima za 2017. godinu Ministarstvu finansija i trezora BiH uputila zahtjev za odobravanje sredstava za programsko rješenje i nabavku softvera za prikupljanje i obradu statističkih podataka.

Sredstva u budžetu Agencije za 2017. godinu su odobrena za ove namjene te će se u toku 2017. godine pristupiti realizaciji ove aktivnosti.

I-a Problemi i izazovi u toku implementacije programa

Osnovni problemi i izazovi sa kojima se Agencija suočava a koji su prisutni već dugi niz godina je neprovođenje člana 6. Zakona o Agenciji za osiguranje u Bosni i Hercegovini, odnosno nepoštivanje zakonodavne uloge Agencije u postupku donošenja propisa iz oblasti osiguranja od strane predlagača propisa.

U toku 2016. godine u Federaciji BiH je usvojen Zakon o izmjenama i dopunama Zakona o posredovanju u privatnom osiguranju ("Službene novine FBiH", br. 30/16) o čemu je Agencija došla do saznanja nezvanično, putem sredstava informisanja. Agencija nikada nije zvanično obavještена niti je uključena u zakonodavnu proceduru od strane predlagača Zakona u skladu sa svojim nadležnostima iz člana 6. Zakona. Takođe je Vlada Federacije BiH na 59. sjednici održanoj 24.06.2016. godine godine, po hitnoj proceduri, utvrdila Prijedlog Zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti kojima je, pored ostalog, predloženo uvođenje postepene liberalizacije cijena obaveznog osiguranja od autoodgovornosti. Prijedlog navedenog Zakona nije dostavljen na saglasnost Agenciji. Vlada Federacije BiH je na 75. sjednici održanoj 03.11.2016. godine utvrdila Prijedlog Zakona o osiguranju. Federalno ministarstvo finansija je dostavilo Upravnom odboru Agencije na saglasnost Nacrt Zakona ali Upravni odbor Agencije nije donio nikakav zaključak niti odbio odnosno dao saglasnost na navedeni Zakon. U Republici Srpskoj su u toku aktivnosti na izradi novog Zakona o zastupanju u osiguranju i posredovanju u osiguranju i reosiguranju. Ministarstvo finansija RS je 11.10.2016.godine dostavilo akt u kome se navodi kako je Vlada RS na 93.sjednici održanoj 29.09.2016.godine usvojila Nacrt

predmetnog Zakona, te da je isti u svrhu informisanja javnosti i zainteresiranih subjekata objavljen na web stranici predlagača. Agencija je od strane Ministarstva finansija RS pozvana da dostavi svoje prijedloge i sugestije radi izrade što kvalitetnijeg zakona. Agencija je dopisom od 13.10.2016.godine podsjetila Ministarstvo finansija RS na zakonodavnu ulogu Agencije propisanu članom 6. Zakona i zatražila dostavljanje predmetnog Nacrta zakona na saglasnost. Narodna skupština Republike Srpske je na 15. sjednici održanoj 08.12.2016. godine usvojila Nacrt Zakona o zastupanju u osiguranju i posredovanje u osiguranju i reosiguranju i u toku je izrada prijedloga predmetnog zakona. Međutim, do kraja 2016. godine ovaj nacrt, odnosno Prijedlog Zakona nije dostavljen Agenciji na saglasnost.

U pogledu zakonodavne uloge Agencije problem sa kojim se Agencija suočavala i u prethodnom periodu pa tako i u ovom jeste neblagovremeno imenovanje Upravnog odbora Agencije. Naime mandat članovima Upravnog odbora Agencije istekao je 23.10.2016. godine. Agencija je o isteku mandata članovima Upravnog odbora informisala Vijeće ministara BiH ali do danas isti nije imenovan.

U toku su i aktivnosti za izbor direktora Agencije.

Planirane aktivnosti na zaključivanju Memoranduma o razumijevanju sa regulatornim organima Austrije, Slovenije Srbije i Hrvatske čiji su tekstovi usaglašavani na zajedničkom sastanku radne grupe sačinjene od predstavnika nadležnih agencija u sektoru osiguranja u Bosni i Hercegovini još u oktobru 2014. godine, nisu se uspjele realizovati. Prema zaključcima sa zajedničkog sastanka, Agencija je dostavila usaglašene tekstove Memoranduma sa Srbijom i Austrijom, Agenciji za nadzor osiguranja FBiH i Agenciji za osiguranje RS na de konačne komentare kako bi se izradili konačni tekstovi i na bazi kojih bi se pripremili tekstovi Memoranduma sa Hrvatskom i Slovenijom.

Iz razloga neblagovremenog dostavljanja komentara na tekstove Memoranduma od strane Agencije za osiguranje RS-a planirane aktivnosti na realizaciji potpisivanja ovih Memoranduma nisu se uspjele realizovati do kraja 2016. godine.

Planirane aktivnosti na organizaciji sastanka zemalja centralne, istočne i jugoistočne Evrope-CESEE u Sarajevu nije se mogla sprovesti iz razloga nedostatka odobrenih sredstava u budžetu za 2016. godinu. Agencija se obratila zahtjevom za restrukturiranje odobrenih sredstava u budžetu Agencije za 2016. godinu, obzirom da su se ostvarile određene uštede na pojedinim ekonomskim kategorijama, ali zbog potrebe povećanja sredstava na odobrenim sredstvima reprezentacije za ovu namjenu Ministarstvo finansija i trezora BiH nije se pozitivno odredilo na ispostavljeni zahtjev.

Planirane aktivnosti na standardiziranju statističkih izvještaja i podataka koje entitetske agencije za nadzor osiguranja dostavljaju Agenciji za izradu izvještaja na nivou Bosne i Hercegovine sprovedene su održavanjem zajedničkog sastanka. Obzirom da postoje razlike u prikazivanju prijavljenih i isplaćenih šteta u Federaciji Bosne i Hercegovine i Republici Srpskoj i da je Agencija u dostavljenom prijedlogu proširila obim statističkih podataka koji se obrađuju za sektor osiguranja, nakon sastanka entitetske agencije su dostavile svoje konačne komentare na prijedloge Agencije. Agencija za nadzor osiguranja FBiH dostavila je svoje prijedloge i sugestije i nije imala primjedbe na obim podataka, dok je Agencija RS dopisom obavijestila da se svi pojedinačni podaci po društvima za osiguranje smatraju povjerljivim, osim podataka koje Agencija RS objavljuje na svojoj web stranici, te u skladu sa tim za 2015. godinu nismo objavili pojedinačne podatke o prijavljenim i riješenim štetama društava za osiguranje kao prethodnih godina. Prijavljene i riješene štete društava za osiguranje koja su registrovana u Federaciji Bosne i Hercegovine Agencija za nadzor osiguranja FBiH ne smatra povjerljivim i iste su dostupne na web stranici Agencije za nadzor FBiH.

II - IZVJEŠTAJ O PROVOĐENJU AKCIONOG PLANA GODIŠNJEG PROGRAMA RADA AGENCIJE ZA OSIGURANJE U BiH ZA 2016. GODINU											
<i>Opći cilj/ princip razvoja:</i>		Integrirani rast									
<i>Strateški cilj:</i>		Unaprijediti razvoj konkurentnog ekonomskog okruženja									
<i>Srednjoročni cilj:</i>		Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije									
<i>Specifični cilj 1:</i>		Povećan stepen harmonizacije propisa u sektoru osiguranja i razvijanje postupka za rješavanje sporova između entitetskih agencija za nadzor Osiguranja									
<i>Specifični cilj 2:</i>		Unaprijeđenje međunarodne saradnje i statističkog servisa									
Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost 2015	Ciljana vrijednost 2016	Ostvarena vrijednost na kraju 2016	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal u kojem je aktivnost provedena	
1	2	3	4	5	6	7	8	9	10	11	12
1.1 Implementacija i unaprijeđenje zakonodavne uloge Agencije u procesu donošenja zakona u oblasti osiguranja u Bosni i Hercegovini uz proces koordinacije razvoja entitetskog zakonodavstva u cilju integracije tržišta osiguranja u jedinstveni ekonomski prostor											
1.1.1 Priprema i analiza usaglašenosti postojećeg zakonodavstva											
1.1.1.1 Analiza stepena usklađenosti važećih entitetskih zakonskih i podzakonskih akata međusobno i sa zakonodavstvom EU	Odjeljenje za pravne i administrativno-tehničke poslove	Broj	6	7	1	Budžet	12.500	11.283	IV	IV	Aktivnost djelimično realizovana
1.1.1.2. Izrada Smjernica za usaglašavanje zakonskih i podzakonskih akata na osnovu zaključaka UO	Odjeljenje za pravne i administrativno-tehničke poslove	%	-	80%	80%	Budžet	12.500	11.283	I	IV	Aktivnost realizovana
1.1.2 Postupanje Upravnog odbora na nacrtu odnosno prijedlogu zakona i drugih akata											

1.1.2.1 Pravilnik o redovnom postupanju UO	Odjeljenje za pravne i administrativno-tehničke poslove	Broj	-	1	0	Budžet	6.000	5.416	II	-	Aktivnost nije realizovana
1.1.2.2 Analiza stepena usklađenosti dostavljenih entitetskih nacrti i prijedloga zakona i drugih akata	Odjeljenje za pravne i administrativno-tehničke poslove	Broj	3	4	1	Budžet	6.000	5.416	I	IV	Aktivnost djelimično realizovana
1.1.2.3. Realizacija zaključaka UO	AZOBiH	%	85%	95%	95%	Budžet	8.000	7.221	I-IV	I-IV	Aktivnost realizovana
1.1.3. Efektivno i efikasno obavljanje koordinirajuće uloge Agencije											
1.1.3.1. Izrada Prijedloga Pravilnika o unutrašnjoj organizaciji AZOBiH	AZOBiH	Broj	0	1	0	Budžet	5.000	4.513	I	I-IV	Aktivnost djelimično realizovana
1.1.3.2. Izrada i ažuriranje internih akata u svrhu uspostavljanja finansijskog upravljanja i kontrole u AZOBiH	AZOBiH	%	75%	95%	75%	Budžet	10.000	9.026	IV	I-IV	Realizacija aktivnosti u toku
1.1.3.3. Održavanje radno-konsultativnih sastanaka sa relevantnim institucijama, te donošenje zaključaka u svrhu efektivnijeg i efikasnijeg obavljanja koordinirajuće uloge AZOBiH	AZOBiH	%	75%	85%	85%	Budžet	5.000	4.513	I-IV	I-IV	Aktivnost realizovana
1.1.4 Informiranje javnosti o ulozi i značaju Agencije											
1.1.4.1 Davanje intervjua za medije, te objavljivanje članaka, saopštenja u printanim sredstvima informisanja, web stranici Agencije kojim se informiše javnost o radu i aktivnostima Agencije	AZOBiH	%	90%	100%	100	Budžet	21.500	19.406	I-IV	I-IV	Aktivnost realizovana
1.1.5 Primjena akata donesenih od strane Upravnog odbora Agencije											
1.1.5.1 Analiza primjene akata donesenih od strane Upravnog odbora Agencije	AZOBiH	Broj	0	1	0	Budžet	20.800	18.774	IV	-	Aktivnost nije realizovana

1.1.6 Unaprijeđenje saradnje po Protokolu o saradnji i razmjeni informacija sa Biroom zelene karte u BiH												
1.1.6.1.	Razmjena informacija u skladu sa protokolom	AZOBiH	Broj	2	3	3	Budžet	9.500	8.575	IV	I-IV	Aktivnost se provodi na kontinuiranoj osnovi
1.1.7. Izrada Zakona o izmjenama i dopunama Zakona o Agenciji za osiguranje u Bosni i Hercegovini												
1.1.7.1.	Izrada Nacrta Zakona i preduzimanje svih potrebnih aktivnosti	AZOBiH	Opisno	Prijedlog Nacrta Zakona dat u okviru Twinning projekta	Nacrta Zakona upućen prema VM	Nacrta Zakona nije upućen prema VM	Budžet	10.000	9.026	III	-	Aktivnost nije realizovana
1.2.1. Priprema i izrada akata za rješavanje sporova												
1.2.1.1.	Izrada nacrta akta za rješavanje sporova	Odjeljenje za pravne i administrativno-tehničke poslove	Opisno	Izrađen Prednacrt Pravilnika	Prednacrt Pravilnika	Izrađen Prednacrt Pravilnika	Budžet	18.750	16.924	II	-	Realizacija aktivnosti u toku
1.2.2. Primjena akata donešenih u postupku rješavanja sporova												
1.2.2.1.	Analiza primjene nalaza donešenih u postupku rješavanja sporova	Odjeljenje za pravne i administrativno-tehničke poslove	%	-	90%	-	Budžet	13.950	12.591	IV	-	Aktivnost nije realizovana
1.2.1. Saradnja sa regulatornim organima zemalja regiona i zemalja članica EU, međunarodnim tijelima, asocijacijama i udruženjima uz zaključivanje Ugovora o saradnji za razmjenu podataka sa nadležnim organima drugih zemalja												
1.2.1.1. Zaključivanje Ugovora o saradnji za razmjenu podataka sa regulatornim organima drugih zemalja												
1.2.1.1.1.	Izrada i usaglašavanje tekstova Ugovora o saradnji za razmjenu podataka	Odjeljenje za međunarodnu saradnju, finansije, statistiku i aktuarstvo	Broj	4	5	-	Budžet	17.250	15.570	I	-	Aktivnost nije realizovana

1.2.1.1.2. Pribavljanje svih potrebnih odobrenja i saglasnosti u postupku zaključivanja Ugovora o saradnji za razmjenu podataka s nadležnim organima drugih zemalja	Odjeljenje za međunarodnu saradnju, finansije, statistiku i aktuarstvo	Opisno	-	Saglasnosti i odobrenja na zaključivanje Ugovora	-	Budžet	15.000	13.539	I	-	Aktivnost nije realizovana iz razloga povezanosti sa aktivnošću br.1.2.1.1.1.
1.2.1.2. Učešće u aktivnostima međunarodne asocijacije supervizora kroz članstvo i aktivnosti koje proizilaze iz istog											
1.2.1.2.1. Učešće Agencije u međunarodnim asocijacijama i udruženjima	Odjeljenje za međunarodnu saradnju, finansije, statistiku i aktuarstvo	Opisno	Članstvo	Članstvo	Članstvo	Budžet	15.000	13.539	II	II	Aktivnost realizovana
1.2.1.2.2. Učešće na sastancima i konferencijama međunarodnih organizacija i strukovnih udruženja	Odjeljenje za međunarodnu saradnju, finansije, statistiku i aktuarstvo	Broj	8	10	11	Budžet	25.000	22.565	I-IV	I-IV	Aktivnost realizovana
1.2.1.2.3. Dostavljanje izvještaja i informacija relevantnim institucijama o stanju u sektoru osiguranja	Odjeljenje za međunarodnu saradnju, finansije, statistiku i aktuarstvo	Broj	10	11	12	Budžet	25.000	22.565	I-IV	I-IV	Aktivnost realizovana
1.2.1.3. Učešće u konferencijama i sastancima regulatornih organa regiona i zemalja članica EU u svrhu unapređenje sektora osiguranja u BiH											
1.2.1.3.1. Učešće na konferencijama i sastancima organizovanim u cilju razmjene iskustava i najboljih praksi u osiguranju	Odjeljenje za međunarodnu saradnju, finansije, statistiku i aktuarstvo	Broj	2	2	2	Budžet	20.000	18.052	II,IV	II,IV	Aktivnost realizovana

1.2.1.3.2.Organizacija sastanaka i konferencija u Bosni i Hercegovini u cilju unaprijeđenja sektora osiguranja	Odjeljenje za međunarodnu saradnju, finansije, statistiku i aktuarstvo	Broj	1	1	-	Budžet	25.000	22.565	III	-	Aktivnost nije realizovana zbog nedostatka sredstava u Budžetu za 2016. godinu
1.2.1.3.3.Aktivnosti na dobivanju stručne podrške u cilju ujednačavanja propisa u oblasti finansijskog izvještavanja u sektoru osiguranja	Odjeljenje za međunarodnu saradnju, finansije, statistiku i aktuarstvo	Broj	0	1	1	Budžet	20.000	18.052	I,II	II	Aktivnost realizovana
1.2.2.Unaprijeđenje prikupljanja, evidentiranja i prikazivanja satističkih podataka											
1.2.2.1.Priprema, izrada i objavljivanje statističkih izvještaja											
1.2.2.1.1.Priprema forme i sadržaja statističkih izvještaja	Odjeljenje za međunarodnu saradnju, finansije, statistiku i aktuarstvo	Broj	1	1	1	Budžet	40.000	36.104	I	IV	Aktivnost djelimično realizovana
1.2.2.1.2. Izrada statističkih izvještaja	Odjeljenje za međunarodnu saradnju, finansije, statistiku i aktuarstvo	Broj	4	5	4	Budžet	40.000	36.104	II	III	Aktivnost realizovana
1.2.2.1.3. Objavljeni i dostavljeni statistički izvještaji	Odjeljenje za međunarodnu saradnju, finansije, statistiku i aktuarstvo	Broj	4	4	4	Budžet	40.000	36.104	II	I,II,III,I V	Aktivnost realizovana

1.2.2.2.Unaprijeđenje prikupljanja i objavljivanja statističkih izvještaja											
1.2.2.2.1.Prikupljanje novih podataka i izrada novih izvještaja i pokazatelja	Odjeljenje za međunarodnu saradnju, finansije, statistiku i aktuarstvo	%	5	15	5	Budžet	29.250	26.401	II	III	Aktivnost realizovana
1.2.2.2.2. Objavljivanje novih izvještaja	Odjeljenje za međunarodnu saradnju, finansije, statistiku i aktuarstvo	%	0	5	5	Budžet	22.000	19.857	III	I-IV	Aktivnost realizovana
1.2.2.3.Priprema za izradu tehničkog rješenja izgradnje jedinstvenog informacionog sistema u sektoru osiguranja											
1.2.2.3.1. Analiziranje potreba za oblikom informacionog sistema u sektoru osiguranja	Odjeljenje za međunarodnu saradnju, finansije, statistiku i aktuarstvo	Broj	0	1	1	Budžet	15.000	13.539	II	II	Aktivnost realizovana

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA AGENCIJE ZA OSIGURANJE U BIH ZA 2016. GODINU

Opći cilj/ princip razvoja: Integrisani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Specifični cilj1: Povećan stepen harmonizacije propisa u sektoru osiguranja i razvijanje postupka za rješavanje sporova između entitetskih agencija za nadzor osiguranja

Naziv zakona	Vrijeme provođenja		Status zakona zaključno sa 31.12.2016.				Komentar
	Planirani kvartal za provođenje aktivnosti	Kvartal u kojem je aktivnost provedena	Upućen VM BIH (DA/NE)	Usvojen na VM BIH (DA/NE)	Procedura u PS BIH (DA/NE)	Usvojen u PS BIH (DA/NE)	
1	2	3	4	5	6	7	8
1.1 Implementacija i unaprijeđenje zakonodavne uloge Agencije u procesu donošenja zakona u oblasti osiguranja u Bosni i Hercegovini uz proces koordinacije razvoja entitetskog zakonodavstva u cilju integracije tržišta osiguranja u jedinstveni ekonomski prostor							
1.1.3. Efektivno i efikasno obavljanje koordinirajuće uloge Agencije							
1.1.7.1. Izmjena i dopuna Zakona o Agenciji za osiguranje u Bosni i Hercegovini	III	-	NE	NE	NE	NE	Realizacija aktivnosti u toku

IV - IZVJEŠTAJ O IZRAĐENIM PODZAKONSKIM AKTIMA PLANIRANIH PROGRAMOM RADA AGENCIJE ZA OSIGURANJE U BIH ZA 2016. GODINU

Opći cilj/ princip razvoja: Integrisani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj1: Povećan stepen harmonizacije propisa u sektoru osiguranja i razvijanje postupka za rješavanje sporova između entitetskih agencija							
Naziv podzakonskog akta	Vrijeme provođenja		Status zakona zaključno sa 31.12.2016.				Komentar
	Planirani kvartal za provođenje aktivnosti	Kvartal u kojem je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BIH (DA/NE)	Usvojen na VM BIH (DA/NE)	
1	2	3	4	5	6	7	8
1.1 Implementacija i unaprijeđenje zakonodavne uloge Agencije u procesu donošenja zakona u oblasti osiguranja u Bosni i Hercegovini uz proces koordinacije razvoja entitetskog zakonodavstva u cilju integracije tržišta osiguranja u jedinstveni ekonomski prostor							
1.1.3. Efektivno i efikasno obavljanje koordinirajuće uloge Agencije							
1.1.1.1 Pravilnik o unutrašnjoj organizaciji AZOBiH	I	-	DA	DA	NE	NE	Prijedlog Pravilnika o unutrašnjoj organizaciji AZOBiH sačinjen je i pribavljena su potrebna mišljenja izuzev mišljenja Ministarstva finansija i trezora BiH. Nakon dobijanja Mišljenja Ministarstva finansija i trezora BiH, Pravilnik će se dostaviti Vijeću ministara BiH na saglasnost.
1.1.1.2 Izrada internih akata u svrhu uspostavljanja finansijskog upravljanja i kontrole u AZOBiH	I	-	NE	NE	NE	NE	Spisak internih akata u cilju uspostavljanja finansijskog upravljanja i kontrole je urađen i aktivnosti na izradi i usvajanju istih od strane rukovodioca su u toku
1.1.2.1	II	-	NE	NE	NE	NE	U skladu sa Zaključkom UO Agencije, urađene su teze za

Pravilnik o redovnom postupanju Upravnog odbora							formulisanje sadržaja podzakonskog akta. Obzirom da UO do isteka mandata nije usaglasio sadržaj istog ova aktivnost nije realizirana do kraja 2016. godine
1.2.1.1. Pravilnik o rješavanju sporova u oblasti osiguranja	II	-	NE	NE	NE	NE	Prednacrta Pravilnika o postupcima za rješavanje sporova u oblasti osiguranja sačinjen je i dostavljen na konsultacije entitetskim agencijama za nadzor osiguranja. Dostavljeni su komentari Agencije za nadzor osiguranja Federacije BiH. Agencija je provela postupak konsultacija na Prednacrta Pravilnika i u periodu konsultacija nije zaprimljen niti jedan komentar. U toku su aktivnosti na izradi Nacrta Pravilnika o postupcima za rješavanje sporova u oblasti osiguranja.

V – IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA AGENCIJE ZA OSIGURANJE U BiH

Programom rada Agencije za osiguranje u BiH za 2016. godinu nije planirano zaključivanje međunarodnih ugovora.

VI -IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA OSIGURANJE U BiH

Programom rada Agencije za osiguranje u BiH za 2016. godinu nije planirana realizacija javnih investicija.

VII – IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

Kod izrade izvještaja o radu, Agencija za osiguranje u Bosni i Hercegovini je u skladu sa članom 11. stav (4) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) primijenila Pravila za konsultacije u izradi pravnih propisa („Službeni glasnik BiH“, broj 81/06 i 80/14).

Javne konsultacije na Izvještaj o radu Agencije za osiguranje u Bosni i Hercegovini za 2016. godinu obavljene su u trajanju od 14 dana, u periodu od 07.02.2017.-21.02.2017.godine, putem web-stranice Agencije, www.azobih.gov.ba.

U navedenom periodu Agencija za osiguranje u Bosni i Hercegovini nije zaprimila prijedloge i/ili primjedbe na tekst prednacrtu godišnjeg Izvještaja o radu Agencije za osiguranje u BiH za 2016. godinu.



DIREKTOR

Mr.sc. Samir Omerhodžić



o/p

Broj: 05-07-1-728-18j/17
Sarajevo, 29. 3. 2017. godine

BOSNA I HERCEGOVINA
AGENCIJA ZA OSIGURANJE U BIH

PRIMLJENO: 31-03-2017			
Organizaciona jedinica	Administrativna oznaka	Radni broj	Broj priloga
01	02-E	346	

AGENCIJA ZA OSIGURANJE U BOSNI I HERCEGOVINI

SARAJEVO

PREDMET: Obavijest

Obavještavamo vas da je Vijeće ministara Bosne i Hercegovine na 96. sjednici, održanoj 28. 3. 2017. godine, razmotrilo i usvojilo Izvješće o radu Agencije za osiguranje u Bosni i Hercegovini za 2016. godinu.

S poštovanjem,



GENERALNI TAJNIK
Zvonimir Kutleša